



DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè discutienda, in Scholis Medicorum, die Jovis decimo-quinto
mensis Januarii, anno Domini M. DCC. L.

M. TUSSANO-GILBERTO BOULLAND,
Consiliario Medico Regis ordinario in ejus Castelleto,
Doctore Medico, Præfide.

An Angina Gangrenosa Emeticum?

I.



T à Mechanicâ corporis humani, certis legibus, ac diversimodè
ordinatâ pendet sanitas, sic à pluribus diversisque causis procrea-
tur morbus; ex multiplici enim fonte exurgit, intus sic & extus
oppugnatur homo; nulla ipsius ætas à morbis libera, nulla illius
pars, quam morborum agmen non invadat; undiquè serpit mors,
alii seriùs, ocliùs alii mactantur, alii illo, alio alii morbo tolluntur,
& quasi satis non esset singula humani corporis viscera suis cruciari
morbis, quasi non sufficeret homines tot modis orco tradi, alia deteriora, fre-
quentioraque ingruunt mala, quæ ubiquè periculum invehunt, nec temperamento,

A

2
nec sexui, nec ætati parcent epidemicæ sævientia, sed inter morborum epidemicæ hanc, illam regionem instantium familiam, eam numeres Anginæ speciem, quæ hanc urbem Parisiensem anno præterito insolentibus symptomatibus irruit, juvenilem ætatem repente insulavit, femineumque sexum præsertim aggressa est; plures paucis diebus læcessivit, necavit celeritèr, contagiosa, & funeribus famosa illa lues; pueri quos intra sex vel octo dies occidit, videbantur illius delicia; eò quòd debiliora illorum sanguinis principia, hebescentes solidorum potentia; debilitaque corporis textura morbi epidemicæ grassantis efferos motus, & incendia non potuerint sustinere; aliquandò post primos furoris insultus velut mitigata illa lues, aliquantenus indicias facere visa est, sed de novo, quasi ex conditò repullulavit, & quos simul torfit, nusquam deseruit, nec suis cruciatibus immunes dimisit; ab eâ immani Anginâ jugulatæ sunt puerulæ quibus parcere videbatur; diebus octo ægram sublatam vidi, constante mente, integrisque sensibus, cujus aperto cadavere, interiores faucium, laryngisque musculi phlegmone, maculis albis & duris, seu potiùs crustis, erant viriati: rubor obscurus se prodebat conspicuum ad internam Trachæ Arteriæ membranam usquè propensum, qui Gangranam evidentem nobis significavit & patefecit.

I I.

AB aurâ salino-sulphureâ perniciosæ mobilitatis proficisci Anginam, quæ grassando urbem Parisiensem peragravit, non temerè dixeris; totum aërem inquinatum idcirco non asseras; sed, certis de causis explodi & volvi, donè in hunc, vel illum locum procumbat illa aura, sic intactis locis, in uno commoratur, sic relictis intervallis, longè, latèque se diffundit, nec est omnibus æquè perniciosa, sed vires suas præsertim exerit, & morbum producit, ubi adest ad concretionem, & spissationem in humoribus propensio, ubi adest in fibris ad relaxationem pronitas; illâ ratione, senibus & adultis parcit, pueros, puerulas potiùs exercet illa Anginæ species, lympham primò aggrediuntur innumeræ, oculos fugientes, in atmosphærâ nostrâ diffusæ maligni moris salinæ particulæ, quæ cum aere inspiratæ, in internos oris, palati, faucium, laryngis parietes impingunt, ex quarum impulsu in tenuissimas gutturis membranulas, per glandularum salivarium porulos penetrant, se salivæ immiscunt, ex ore fauces subeunt, tenues, & exilissimas musculorum, glandularum fibrillas pungunt, corrodunt, lympham in illis sistunt; nullæ gutturis partes, glandulæ tonsillæ, maxillares, harumcæ pravi moris particularum impulsu sunt immunes; hinc magis vel minùs divagatur malum, variæque prodeunt symptomata, pro varietate affectarum partium, prout violentiùs, vel segniùs interiores, vel exteriores faucium partes oppugnant, tantùmque in his non nihil corrosivò salis-ve acidi immixtum, quantum sævitæ in multiplicibus symptomatibus dicas; causa certè singulari observatione digna, cui tam in statuendâ morbi diagnosi, quàm in convenienti medicamine eligendo maximè consulendum est.

I I I.

IN majori ægrorum numero, id Anginæ genus constantiori hoc se prodit modo, ægros repentè adoriuntur gutturis calor, linguæ magis, vel minùs spissatæ dolor, uva excreta, & in longitudinem porrecta ad fauces serpit; primis diebus febris perexigua videtur, macula alba Gangrænæ prænuntia amygdalarum alterutram cooperit, aphtam similitudine repræsentat, nec inflata ad fauces, uvam descendens in larynge ad membranam pituitariam panditur; tribus vel quatuor diebus elapsis ingravescit malum, intenditur febris, os tetro odore, qualem præ se ferunt spiritus urinosi volatiles, insicitur, & alios insicit; humore acri & putido tument glandulæ; macula pissatur, indurescit, & in crustam convertitur, quæ brevi exolvitur, ut alia subjacens exeat; adaugetur febris, nec perferuntur in pulsu durities; è naribus fluit sanguis, balbâ nare loquitur æger, pallet facies, conduplicantur carotidum ictus, ægrotus gravedine laborans frequentèr emungit, ac solam pituitam

per nares emolitur, progreditur ulcus, per Trachæam Arteriam serpendo Pulmonem pervadit, angustior fit spiritus, Gangrænâ Pulmo afficitur, antè nonum vel decimum diem vita exstinguitur; longius, latius, tardius, vel serius diffunditur flagitium, pro vi causæ morbum proferentis; non nunquam extrinsecus observantur tumores, insistant parotides, constat febris, sorbent, hauriunt faciliè ægroti, rectè deglutiunt, nullamque sustinent sitim; humida est, velût sanorum lingua; valdè fætent illorum excrementa, nigroque colore inficiuntur; adultis, senibus neglectis, pueros tenoræ ætatis, & infrà annos quindecim potiùs adoritur illa lues, ut potè qui sint habitûs calidi, & humidi, irrequieti, nec non ad motum celerissimi se consistere non valeant, quia edaces, & potulenti singulis momentis esuriunt, & sitiunt, sic largioribus cibis & poculis indulgent, eò quòd sint texturæ laxioris, mollioris, hinc aeris intemperiei, & maleficiis obnoxiores; lympham primò inquinari, fatis est argumenti, quòd pueri ferè soli, vel saltèm antè omnes hâc labe inficiuntur, eò quòd lymphâ affluant, ac proinde vasis ipsam continentibus, adultis, senibus-vè præsent, undè citius percutiuntur, citius victimæ mutantur.

I V.

ANGINAM Gangrænofam à rarefcentiâ exordium fumere ne dubites; lymphæ turgidior, mobiliorque facta, ubiquè vasorum arietat, subtiliores illius partes dissipantur, celeriori, promptiorique fugâ cæteræ dissiliunt, solidorum sine lege colluctantium multiplicatur impetus, statim atque hæterogeneæ aeri immixtæ particulæ, necnon cum aere inspiratæ ad lympham pervenerunt, velût totidè igniculi subvertunt illius compagem, illiusque circuitum retardant, præpediunt, undè morbus ille vires adipiscitur, putredinis fomites, futuræ Gangrænæ vel Sphæceli signa, ut probant tot ægotantium hoc morbo extinctorum funera; necnon Cadaverum apertura; venenosum hunc halitum faucium glandulis, musculisque primò insultare satis, superque declarant invadentis morbi symptomata, irritatis enim crispatique Nervis ab insolenti venenatæque aurâ, lymphæ, sanguinis impeditur circulus, in minimis præsertim tubulis nectunt moram, in illis lyuphæ momentum crescet, tumens magis, majus spatium occupare conabitur, major illius in tubulorum parietes nifus, fortius, erebrius contrahentur illorum tuniçæ, undè tot mala, ipsa mors, produciuntur: in eo præcipua versatur Medici sagacitas, ut acutè judicet de morbi ingenio, necnon augeretur ex symptomatum ferociâ, ne illum fugiat morbi indoles, ne illum ludat symptomatum dolus; exploranda imprimis morbi natura, perpendenda symptomatum magnitudo, ut votis respondeant adhibita Medicamina; occasio celeritèr, dum se præbet, arripienda; cunctari sæpè fit nefas; incipiente igitur morbo funde sanguinem, repetitisque vicibus funde; depletis majoribus vasis, in febris remissione stibiato tartaro submoveatur ventriculus. In Emetico reperitur medicamentum, conglutinatiss hærentibusve succis congener, & ad ipsi pristinam conciliandam fluiditatem idoneum; naturam hujus remediî si explores, saponaceum est, sulfure antimoniali & sale alkalino confectum, crassioribus humoribus attenuandis, subigendis aptum: in magnâ dosi adhibitum tanquàm Emeticum purgans per os & intestinorum cribra, crassiores succos propellit: in minori dosi usurpatum, solvit lympham & humores, diaphoresim promovet: nec febrem ad-augè, nec fluida periculose commovet, nec perturbat secretiones, quantum profit in morbis acutis evincit experientia. Hæc arte lymphæ & cruoris circuitûs in gutture tolluntur obices, humorum in primis viis stabulantium egestione, noxia quæ febrem adaugendo, lymphæ motum subverterent, putredinem parerent, his præfidiis propugnantur, arcenturque.

V.

MULTO magis expedit succorum redundantium imminutionem Phlebotomiæ, Emeticis, quàm naturæ committere; celere, & proficuum remedium

exigit illa lues; cave igitur ut quæ usurpaveris medicamina, symptomatum sævitæ respondeant, quò sanguinis motus intensior, eò potentioris energię felices acida; quò maculæ albæ plures erumpent, eò sæpius subduces alvum Emeticis; quò pulsus frequentior & elatior, eò generosiùs mites sanguinem; sed ne fileas, ne te decipiat dolosa tranquillitas; relictos iterare cursus, lucatâ quietis imagine, non rarè meditatur tam perfida ægritudo; quæ foris extincta apparebat, vires intùs, & clanculum causâ recolligit, mòx datura deteriore symptomatum progeniem; à remediis idcirco non abstinendum, nisi crustæ albæ, suo defraudatæ pabulo aruerint, nisi cum illarum lapsu interni ardoris testis odor pravius, sanguinis è naribus stillicidium simul & balbuties evanuerint: at si febris primis diebus sola decesserit, non idèò fide signo mendaci; aliàs quæ tibi nimis credulo imposuit tranquillitas, novis supervenientibus maculis albis, recrudescente morbo mortis ægri causa erit; his in angustiis ad Emeticum tanquàm ad salutare prasidium confugas, ne lymphæ turgidior explosione factâ, tenues faucium & laryngis tubulos citò dirumpat, & ibi funestos sibi pandat exitus; Medici est abdominis clausura referare, stagnantibus liquoribus vias minùs periculosas aperire per emunctoria ventris; nam statim atque ad expulsionem humorum ventriculorum, & intestina sollicitavit remedium, iam mitigantur, & recedunt, quæ metum instantis lethi incutiebat symptomata; urgente verò febre cum certâ pulsûs duritie, manante è naribus sanguine, altera macularum in gutture eruptio, mittendi sanguinis præsertim è saphenâ arguit necessitatem; sed is sive largo flumine, sive repetitis vicibus educendus, ne majori rarefcentiæ detur locus, ne exhauriantur vires, ne remittente febre, decrepescantibus symptomatibus, recrudescente iterum morbo, maculæ novæ idem suadeant; acidis liquoribus largiùs indulgendum, si molesta non sit tussis; ut autem Emeticum prospere succedat, eo ipso momento propinandum quo remittit febris, quo arcenda putredo; à putredine enim erumpunt maculæ albæ Gangrenosæ, sanguinem putrescere nullus inficias iverit, nisi quem latuerint illius principia; sed quid rationiùs, vel verbis opus est, dum se sensibus putredo præbet aspectabilem, dum putredinem exhalat os ægrotantium, & dum virtutes Emetici à Medicis cognoscuntur?

Ergò Angina Gangrenosa Emeticum.

DOMINI DOCTORES DISPUTATURI.

M. Ludovicus-Alexander Vieillard,

M. Carolus Dionis.

M. Michael-Josephus Majault.

M. Ludovicus - Guillelmus le Monnier, Consiliarius Medicus Regis ordinarius Regiæ Nosocomii San - Germani in Layâ, Regiarumque Franciæ, Londinensibus ac Berolinensibus Academicarum Socius.

M. Gedcon de Rabours.

M. Antonius Ferrein, Professor Regius & Regiæ Scientiarum Academiæ Socius.

M. Josephus-Exuperius Bertin, Supremi Walubiæ & Moldaviæ Principis Medicus ordinarius, & Regiæ Scientiarum Academiæ Socius Veteranus.

M. Laurentius Ferret.

M. Bartholomæus Murry, Ratiæ Illustrariæ Professor designatus.

Proponebat Parisiis, ANTONIUS GARNIER, Lingonæus, Doctor Medicus Remensis, necnon Saluberrimæ Facultatis Medicinæ Parisiensis Baccalaureus, A. R. S. H. 1750, à sextâ ad meridiem.

Typis QUILLAU, Universitatis & Facultatis Medicinæ Typographi, 1750.